

Meje Po Carte Copiya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonaes Tesalónica tomarapiwi

¹ Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonaes Tesalónica tomarapiwi pamxaem pomonaes painya nejume cowantsiwixae Jesucristo. Paxam pomonaes pam pomonaes painya neyawa jinompaewi Nacom, pon Waxa, xua matautano Jesucristo, pon jiwu Pecanamataxeinaein. Barabu Nacom, Waxa, iru Jesucristo, pon jiwu Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

Meje yabara xua Pablo yabara paeba xua Tesalónica tomarapiwi pinae beta jume cowanta

² Pacata tsipaebetsi Nacomtha, pajan tsaibi Nacomtha: “Nacom maisa pajuntu coyene weiweinana xua daxita Tesalónica tomarapiwi beta jinompa, pomonaes pecajume cowantsiwi”, pajan tsaibi Nacomtha. ³ Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necantobexae daxota ayapusya cata nacuita dubenanaebiya. Maisa bichocono barapomonaes wunaes ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. ⁴ Paxam pomonaes painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonaes

paca exanaetsi. ⁵ Poxonae Nacom pia pecapanenebiyae diwesi jume paca tsipaebatsi jopa saya meisa ꞥ pata jume. Jame apara Nacom pia Pejumope tunaxꞥ tatsi pia peayapusꞥ itorobi coyenewatha tatsi pana yawena, xua pata cueicueijiwa. Barapo diwesi bara xaniwaicha jume cowꞥntatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajꞥntꞥcoyenesꞥ exanaenexatsi xua irꞥ jꞥntꞥ coyene xanepanaya painya nejinompaenexa.

⁶ Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya ne-jume cowꞥntsixae Jesucristo, ichitha barapo diwesi awiya jꞥntꞥ coyene weiweinaya pajume cowꞥntame. Barapo pejꞥntꞥ weiweinae coyene Nacom pia Pejumope tunaxꞥ tatsi paca cata. ⁷ Baxuan painya neexanaexae daxota ichamonae pomonae pejume cowꞥntsiwi Jesucristo, pomonae Macedonia nacuapiwi, barapomonae exana pocotsiwa paexaname. Irꞥrꞥ baxuan exana pomonae Acaya nacuanpiwi. ⁸ Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamon-aetha. Barapo diwesi Macedonia nacuapiwi irꞥ Acaya nacuapiwi jume tane. Jopa meisa barapo nacuabepiwi bara apara daxita nacuanpiwi irꞥrꞥ jume tanerꞥ. Daxita barapo jiwi paca yabara yaputane xua painya nejume cowꞥntsiwa Nacom. Daxota jopa panantawenonaeinyo xua paca yabara paebatsi ichamonaetha. ⁹ Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomꞥn po ibo nacomꞥn copiya wꞥnae pajainteibame pabebam painya nejume cowꞥntsixae Nacom. Matautano paca yabara paeba xua barapomonae patamropatarꞥcꞥpame xua pata

taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein. ¹⁰ Matautano barapomonaē pana netsipaeba xua pinae paxam Jesús pawunaē ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petupaē coyene cuiru weya. Barapon Jesús naca napaeba exanaena Nacom beya, poxonaē Nacom copatsina xua jiwī bichocono peraxa jubebinchi abe peexanaexae.

2

Meje yabara po coyeneya Pablo tanacuita Tesalónica tomarapiwi

¹ Patamonaē paxam pomonaē pam pomonaē iru painya nejume cowuntsiwi Jesucristo icha paxan paichin. Payaputaneme xua tapaca siwa ponaewatsi baxua wunaē pata cayawenaexaetsi. ² Poxonaē Filipos tomaratha paponan, barapomonaē abe pana exana. Yawa tsuṁṁ jumeya pana tsipaeba. Bequein barapomonaē baxua pana cana exana ichitha payaputaneme xua Nacom pana yawena tapata catsipaebinxatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonaē pana jume matawenta. ³ Poxonaē paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. ⁴ Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinxeta pia pecapanenebiyae diwesi jume. Apara jopa baxua paexanaeinyo xua daxota jiwī pata taneweyataenexa. Jame apara baxua paexanan xua Nacom pata

taneweyataenexa. Barapon pana nejüntü coyene yaputane xua poxonae paexaneiban. ⁵ Paxam bayatha payaputaneme xua jopa paca tsipaebichi po jume ba jiwi piraichi jume wunaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo. ⁶ Jopa bapana paichichipaeinyo xua jiwi wunae pata tanejainchiwa, xua poxonae metha bequein bara barapomonaе pam, ichacuitha xua poxonae bequein ichamonaе irü. ⁷ Bequein paxan pana itacüpa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wichitiya yayawenapona. ⁸ Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata jüntü coyeneintha. ¡Bara jopa juniya pata paca antobewatsi! ⁹ Patamonaе pam, paxam pomonaе irü painya nejume cowuntsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matacabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonaе paca cuidubatsi Nacom Pejume Diwesi.

¹⁰ Paxam pomonaе painya nejume cowuntsixaemxae Jesucristo pana yaputaneme irü Nacom pana yaputane xua jüntü coyene xanepanaya pata jinompaewa painya xantha daxita carepaya paxamtha. Matautano Nacom patsita jüntü coyene xanepanan, xua penatsicuentsiwa jopa bapon patsita xeinaeinyo. Daxota ichamonaе jopa

pana neyabara paebiyo xua abe pata pacata exanaewatsi.

¹¹ Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonae bichocono paanthuthutanem tsaibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxian cana ichiya exana pia pexuitha.

¹² Paca itorobatsi xua bewa beta pajinompaem, icha pomonae Nacom pejume cowuntsiwi ichi xua bewa beta jinompaem. Baraxua paexande poxoru Nacom paca wun duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanae coyenewa.

¹³ Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexainaewa pomonae painya nejume cowuntsixae Jesucristo. ¹⁴ Patamonae pam.

Ichamonae atene paca exana pomonae painyamonaxae. Baxua paca cana exana, icha Judea nacuapiwi ichichi pomonae pejume cowuntsiwi Cristo Jesús. Daxita barapomonae ajuntucoyenetane exainchi pomonae piamonaxae pomonae judiomonaxae. ¹⁵ Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cota-

caya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi. ¹⁶ Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxona patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentisixae abe peexanaexae bapontha.

Meje yabara xua equeicha Pablo besywa ponaena Tesalónica tomarapiwi

¹⁷ Paxam pomonae patamonae pam, poxona bequein paxan tajū paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi. ¹⁸ Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. ¹⁹ Ichichipan paca siwa ponatsi poxoru paxam pana necana exaname xua pajuntu coyene weiweinan. Barichi paxam pomonae pana necana exaname xua pawunaewatan. Barichi paxam pomonae pana necana exaname xua matowa payabara paeban pocotsiwa xua paexanan poxona paca

cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname. ²⁰ Xaniwaicha paxam pomonae pam pana ne-juntũ coyene weiweina cana exaname. Matautano paxan pomonae pana necana exaname xua paca yabara wũnae jainchinchí Jesucristo peitabaratha poxonae bapon peitabaratha tatsi paca barũ umenaeinchi beta painya neexanaexae.

3

¹⁻² Jopa pana itacũpaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowũnta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacũpatsi xua ajuntũcoyeneyapusũ paca cana exana. Matautano itacũpatsi xua paca juntũ cui tsacaba exana xua awiya mataropeichiya painya nejume cowũntapon-aenexam Nacom. ³ Bapoxonae dapon aibi tsane paxam jiwana pon ajuntũcoyenefaetabiya jume cowũnta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowũntsixae Jesucristo. ⁴ Matautano poxonae cataunxuae paca barũ enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno. ⁵ Tsipei xan jopa neitacũpaeyo xua equeicha taewatsiwa xua tapaca yabara

yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowunta dubenanaebiyame Jesucristo?” jei. Baxua beyaputaein tajunuwixae xua caurimonae pia pentacaponaein tatsi pon jiwi pejantũ coyene jujutsin paca cui jujutsipa xua abe painya neexanaewa tsane. Bapoxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowuntsixaem tsipae.

⁶ Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowunta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana netaename, icha paichin xua bena tapaca taewatsi tsainchi. ⁷ Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajantũ coyene sadujan poxonae pajume tan xua pinae beta pajume cowunta dubenanaebiyame Jesucristo. ⁸ Poxonae paxam awiya beta pajume cowunta dubenanaebiyame Jesucristo, pon jiwi Pecanamataxeinaein, baxua pajantũ coyene sadujan pata jinompaewatha Nacom nexa. ⁹ Anoxuae pana itacupa xua pata jeiwa: “Nacom maisa pajantũ coyene weiweinan Tesalónica tomarapiwi beta necajume cowuntsixae”, pata jeiwa. Paxam pomonae pana nejantũ coyene weiweina cana exaname poxonae Nacom patsipaeban. ¹⁰ Matacabintha, merawinthano Nacomtha pacata wæqueibatsi. Nacom pawæqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowuntsiwa Jesucristo pocotsiwa yabara pacata seica xua painya yabara neyaputaewa Je-

sucristo.

¹¹ Paichichipan xua Nacom pon Waxa iru Jesús pon jiwi Pecanamataxeinaein pana yawenaena xua pata paca casiwa ponaenexatsi. ¹² Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. ¹³ Matautano paichichipan xua Nacom pon Waxa, painya nepaca cana exanaenexa xua bichocono painya nejuntu coyene xanepanaewa. Matautano paichichipan xua Nacom pon Waxa bichocono ajuntuyapushya paca cana exanaena. Bapoxonae paxam bichocono Nacom tsita juntu coyene xanepanaeinchi. Bapoxonaeno jopa patsita natsicuentisim tsane abe painya neexanaexae bapontha. Barapocotsi jata coyene awiya paexanaponaename beya poxonae Jesús pon Wanacanamataxeinaein, piamonae baru patopeicaena daxita.

4

Meje yabara po juntu coyeneya bewa jiwi tajinompae Nacom po coyene xua Nacom tsita xanepanatsi

¹ Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntu coyene jinompaem po juntu coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

² Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein. ³ Xua jame Nacom pocotsiwa ichichipa xua paxam bewa bichocono jũntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi. ⁴ Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa barũ cui itura jinaena piowa pia peantobexae. Daxita barompaya pebiwi pam bewa irũ bara paichim tsane. ⁵ Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname. ⁶ Jopa paexanaeinde barapo abe peexanae coyenewatha pontha pon irũrũ pejume cowũntsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. ⁷ Nacom jopa naca wũn dubiyo piamonae wanaca exanaenexa xua abe waexanaponaewa tsane. Jame apara Nacom naca wũn duba xua jũntũ coyene wũnaeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi. ⁸ Pon jume itaweta po coyene xua ichũn pepichiwa yabara xua ichũn piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom

paca cata pia Pejumope t̄nax̄ tatsi xua painya yawa jinompaenexa.

⁹ Po peantobewa xeina pomonae pejume cow̄ntsiwi Nacom, xua nantiya caemonae penaantobewa, xan jopa nantawenonaeyno xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. ¹⁰ Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cow̄ntsiwi Nacom. Ichitha paxam patamonae pam painya nejume cow̄ntsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa. ¹¹ Bichocono paichichipare xua painya neexanaewa xua po coyene meje: J̄ntema parubenanabiyama, xua jopa pana najume matsontsonoba dubenanaebiyam. Matautano painya xoba patsipaebeibame ichamonaetha po coyenein barapomonae bewa exanae. Matautano barompaya painya penacuichiwana pana natsiexana dubenanaebiyama icha be pocotsi coyeneya bayatha paca tsipaebatsi. ¹² Icha barapocotsiwa paexanaename ichamona pomonae jopa Nacom pejume cow̄ntsiwi paca bar̄ cui itura jinaena xua bara beta painya neexanaexaem. Matautano jopa panantawenonaem xua ichamona paw̄came pocotsiwa xua panantawenoname.

Meje yabara poxonaē Jesucristo pon jiwī Pecanamataxeinaein equeicha caewa patopaetsica

¹³ Patamonae pam, paichichipan xua painya neyaputaewa po coyene pexainyei coyene, xua pet̄paewi yabara. Matautano jopa paichichipaeinyo xua be wecoyeya pajinompame icha be ichamonaē ichi pomonae jopa pejume cow̄ntsiwi Nacom. Barapomonae be wecoyeya jinompa jopa xanepanaya pew̄nae ewatsixae

po coyene xua poxonaē petupaewi equeicha asu tsane. ¹⁴ Waxainchi jume cowuntatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowuntatsi xua Nacom bara cana ichi tsane pomonaetha pomonaē bayatha werapa. Barapomonaē pejume cowuntsixae Jesús, poxonaē werapa asu jujuina exanaeinchi xua Nacom exanaena. Nacom barapomonaē baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

¹⁵ Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonaē cataunxuae asu jinompa poxonaē patopaena pon jiwi Pecanamataxeinaein barapomonaē copiya jopa jujuinya exanaē tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonaē bayatha werapa. ¹⁶ Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueijeī matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonaē pomonaē Cristo jume cowuntatsi xua pomonaē bayatha yacui werapaeya othopa bapomonaē copiya asu jujuina exanaeinchi. ¹⁷ Bapoxonaē cotacaya waxainchi pomonaē cataunxuae asu jinompatsi, pomonaē wajume cowuntsiwi Jesús naca cayawa muxuna caetucaetsiya caponaena pomonaē copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. ¹⁸ Daxota barapo jumetha caemonaē nantiya pana najuntu coyene

tsacabare xua painya neyaputaewa tsane, po coyene xua pewerapaewi yabara.

5

¹ Patamonae pam, jopa nantawenonaeyinyo xua yabara pacata tinatsi matakabi, yawa dapae yabara xua poxonae Jesucristo pepatopeicaewa tsane. ² Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. ³ Poxonae jiwi jei tsane: “Maisa jüntema jinompatsi tsipei daxita wūnae tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupae tsainchi xua panenebiyaena barapo peatenewa weya. Jiwi atene exanaeinchi icha yabayo ichi xua bichocono bewa atene tsane xua pexuyo poxonae naexanaena. ⁴ Patamonae pam, paxam jopa dapocotsimonae pam, pocotsimonae jopa jume cowuntsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. ⁵ Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowuntsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. ⁶ Pomonae jopa pejume cowuntsiwichi Jesucristo barapomonae jopa tsaca jinompaeyo xua pewūnae ewatsinexa Jesucristo pia pepatopeicaewa tsica tsane. Barapomonae be pocotsimonae xua maita, xua

jopa itacupætsi xua penacosabiwa. Ichitha jame bewa waxainchi wacoutha barompaya jũntũ coyene coxonætsi xua tsaca wajinompaewa poxonæ wũnae ewatatsi Jesucristo pia pepatopeicaewa tsica tsane. ⁷ Pomonæ ba xua maita, bara merawi maita. Irũrũ pomonæ ba cupætsi peatsaxa mera, bara merawi cupætsi. Daxita barapomonæ jopa xapain Jesucristo wũnae ewatichi. ⁸ Ichitha waxainchi wajume cowũntsixætsi Jesucristo, daxota bewa jũntũ coyene coxonætsi xua tsaca jinompætsi xua wawũnae ewatsiwa Jesucristo. Waxainchi xanepanaya bewa beta jume cowũntichi Nacom. Mataũtano bewa beta nantiya naantobetsi. Barapo coyenebe naca jũntũ coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowũntsiya wũnae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasi-pabe exanaeyainwatsi. ⁹ Nacom jopa naca itapetsiyo xua wanaca atene exanaenexa wanatsicuentsiwaxæ abe waexanaexæ bapontha. Saya apara naca itapeta wanaca capanenebiyaenexa xua Jesucristo wanaca tsitũpaexæ naetotha pon Wanacanamataxeinaein. ¹⁰ Jesucristo naca tsitũpa naetotha wanaca barũ jinompæwa tsane pia nacuatheicha, bequein waxainchi bayatha werapætsi, yawano ichacuitha bequein waxainchi awiya asũ jinompætsi, poxonæ bapon patopaetsica. ¹¹ Daxota paxam bewa awiya daxita nantiya pana najũntũ coyene tsacabim. Mataũta bewa nantiya pana naajũntũcoyenesũ exanaem beta painya nejume cowũntsinexa icha paichiponaem xua anoxuæ paexanaponaem.

Meje yabara xua Pablo muxuweta pomonæ Jesucristo pe-

jume cowantsiwichi

¹² Patamonae pam, paca muxuwetatsi xua pabarũ cui itura jinare pomonae painya xantha Nacom tanacuitatsi xua pomonae paca matacapona. Barapomonae paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. ¹³ Bewa barapomonae beta pabarũ cui itura jinaem peainya cui jiwixae. Matautano bewa bichocono paantobem xua barapomonae betiya painya nepaca mataxeinaexae. Daxita pam nantiya jũntema jinompa pana naexande.

¹⁴ Patamonae pam, paca itorobatsi xua jume daunweya pamuxuwere pomonae afaetabi xua penacuichiwa. Pajũntũ coyene cui tsacabare pomonae jũntũ coyene junuwiya jinompa ichamonae atene peexanaexae barapomonaetha. Matautano payawende pomonae jopa ajũntũcoyenesũya jinompaeyo Nacomtha. Bewayo payawende barapomonae xua jopa painya neaitaconaewam.

¹⁵ Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajũjũteibare xua nantiya painya nenata exaneibinexa, xuano irũ daxita jiwino.

¹⁶ Barabũ tsitecaeya pajũntũ coyene weiweina dubenanaebiyama. ¹⁷ Daxita matacabi Nacomtha patsipaebeibare matowa. ¹⁸ Daxita pocotsiwa pacata exana bequein jopa pacata wũnaeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maisa pajũntũ coyene weiweinan xua pata tana neyawenaewam poxonae bequein painta daunwei tsaibi”, pajam tsaibinde. Poxonae baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barũ jinompaexae.

¹⁹ Jopa paitawetsinde Nacom pia Pejumope tũnaxũ tatsi poxonae paca itoroba pocotsiwa bewa paexanaem. ²⁰ Jopa

pajume itawetsinde po diwesi xua ichamonae paeba pomonae Nacom Pejume Diwesi pepaebiwi. ²¹ Incane pajume taema daxita po diwesi xua barapomonae paeba icha bara metha xaniwaicha po diwesi pona Nacom weya. Saya paitapere po coyene xua pexainyeiwa. ²² Daxita po coyenein peabe coyenein panaitemare xua jopa painya neexanaewam abe peexanae coyenein.

²³ Bara Nacom, pon jüntema jinompa naca exana, barabũ barapon paca jüntũ coyene ayapusũ exanaena xua jũpa paca cana exanaena icha bapon ichi xua jüntũ coyene xanepana. Mataũtano barabũ Nacom paca jüntũ coyene xanepana exanaena painya nejinompaewa tsane bapon nexa xua jopa painya nexainaewam penatsicuentsiwa xua abe painya neexanaexae bapontha. Barabũ Nacom beta paca jumope eenaena, yawano xua painya jüntũ coyenewa, mataũtano xua painya pepon xua Jesucristo nexa pon Wanacanamateinaein xua beya poxonae bapon patopaetsica. ²⁴ Nacom ponxae xua paca wũn duba pia paca exanaenexa piamonae tatsi, bapon xainyeya pepaebin. Mataũtano bapon exanaena pocotsiwa xua bayatha yabara paca tsiwũnae muxu duta.

Meje yabara xua Pablo najume wetsiya paeba

²⁵ Patamonae pam, painta Nacomtha wũqueibare.

²⁶ Antobeya painta jacobare daxita pomonae patamonae pomonae Jesucristo pejume cowũntsiwichi.

²⁷ Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowũntsiwichi”, paca jeichi.

²⁸ Jesucristo, pon Wanacanamateinaein, barabũ paca yawena pia paca necaantobewaxae.

Baja Pablo, irũ Silvano, irũ Timoteono ponbe necueyatabe.

Nacom Pejume Diwesi po diwesi pena jume diwesi xua
Jesucristo yabara tinatsi
New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 14 Jun 2022 from source files dated 30 Nov 2021

e9c4c3a0-6dec-54a4-aaba-fb395e5eddc7